

西北稀見方誌文獻

第五十四卷

中國西北文獻叢書



中國西北文獻叢書・第一輯

西北稀見方誌文獻

第五十四卷



目錄

鹽茶廳志備遺

清 朱亨衍 修 劉 統 纂

三

隆德縣志

清 常星景 纂

一〇九

化平縣志

民國 蓋世儒 修 張逢泰 纂

二四九

鹽茶廳志
備遺

廳誌備遺序

今天下省府州縣下至衛所莫不有誌所以辨方輿土繙古察俗俾後之人斟酌損益以為窮變通久之道以施其政教非苟焉已也廳地幅員千里山川形勝水草肥美衛其地者望高於五原顧宋以前番羌割據得而復失未入版圖元人建國西安州百年之久明雖淪為牧場其中設立三所豈遂全無記註顧皆無所考僅於固原州誌中間存山川村堡十之一二何哉

本朝肇造區夏不忍鄙夷其民且念地勢鄰邊非令長所能治乃因明之舊設西安平遠鎮戎三所屬之固原衛以備戰守而於牧所閒曠之區則歸之郡丞招民納賦一洗宋明羌番之陋同於中原禮義之邦矣而誌仍無聞焉者述作之難易懸殊廳衛之事權不一也雍正四年裁洗衛所地盡歸廳甯時軍興郡丞遠駐網羅無暇仍缺如也予於乾隆九年備員茲土歷覽周諮有志纂輯而考正無從欲行復止者不啻再四至乾隆十四年奉文移駐海城與從前之遙制者

有間公餘之暇日與老成俊髦探討諮諏兩載之間十得三四乃進諸生而告之曰海城之得為王土王民已百年矣而省誌不登府誌不載竟與桌子山青羊等地一視齊觀非第守土之辱亦爾士民之辱也予固不敢當作者之事而搜羅纂輯以俟後之君子不亦可乎諸生唯唯乃分道採錄數月之後接續投進而予已以倦勤退休旅舍矣藥餌之餘參以親歷稍為次叙分為二十三卷一切山川風土物產戶口田賦開卷瞭如雖不敢擬於誌乘而後有作者亦得披閱以備遺忘此予之志也故表其端曰廳誌備遺云

肯

乾隆十七年壬申四月上旬八日

奉政大夫同知陝西甘肅平涼府事分守海喇都事桂林朱亨衍敬題

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

國語

採輯人員

舉人

劉統

貢生

柳成林

監生

曹燮隆

陳良季

同曰序

張

馮其源

孫坦

薛

武敏

薛向連

薛

薛

馮三庚

余祿

陳萬選

邢

圖記

八下圖

世又繼以說圖者開卷瞭然惟廳地者通誌不登府州不錄千里
奧區竟同圖既矣予之首列斯圖也非獨廳地之指掌圖實全甘之
糾大石也又按御府圖內有東海環在雪山之西今查東海壩距
海城僅八十里係山水出路水竭則為乾河河岸有民堡一處於地
方形勢險要均無取焉且故老相傳明末滿四叛時有董海董壩兄
弟二人據此以抗天兵並無訛謂海與壩也且廳僅一雪山在海城
南十里東海壩無之又銅板圖內載東海喇都與李旺堡僅隔一水
而海都涼則與西安州相近今海城在雪山之北距西安州僅三十
余里則御府圖之東海壩銅板圖之海都涼皆海喇都之訛明矣然
地無正官佐圖失實蓋有不止於一地者矣廳地為明藩牧場固原
州繚琅相結

本朝歸心華協而原州同處一域未議裁割也今廳為既移駐海城

則靡虞西望所在東南就近歸併時勢宜然茲繪原圖於前而列新
圖於後庶覽者一目了然

（此處為多列模糊文字，內容難以辨識，疑似為地圖說明或地理描述）

城隍

寺在城南都城宋元符二年所築皇統間陷於元吳明初以賜楚王
城連圍四里三分高闊各三丈四尺明成化四年徙撫民公文升重
建七年共備楊公勉增築設有三門南曰南門東曰東門西曰西門
本朝歸順管轄員弁全裁漢同鄉堡百年以來傾廢殆盡巡撫黃公
據士民之請乾隆十三年於道員應亟移駐案內
題請將鹽茶同知移駐海城以資彈壓欽奉
俞允同知隨於十四年建署移居

廳地建革

海城天文營室禹貢雍州之域商為要服穆王為要服我國時海為
夷虜所居未入版圖迨宋元符二年大將折可適伐夏元吳出置西
安州海城亦附其中遼後於夏人更名東牟及元代封豫王于西安
州海城是其屬堡也明洪武二年遣大將徐達攻走魯王於西安州
遷其民於北平遂併海喇鄰賜楚王為牧地設指揮康承奉司於海

城司兵政主出納成化四年二達滿四叛據石城都御史項忠與
升剿之移紅古城遊擊於西安州我

朝定統之後以海喇都歸隸府丞管轄移駐固原州城乾隆十二年
巡撫黃公廷往查請移丞於海喇都易其名為海城在府西北三百
九十里東至固原州界一百里西至靖遠縣界八十里南至隆德縣
界二百五十里北至中衛縣界一百四十里東南至固原州界一百
五十里西南至會寧縣界二百四十里東北至固原州界二百二十
里西北至會寧縣界一百二十里東北至北京順天府界三千七百
里至西安府一千二百里西北至蘭州府五百里

山川

海城在固原之西北前控六盤後恃高寨左抱下馬右據天都營崗
因其南有河漢其北為固靖之咽喉甘肅之襟帶海城之南十五里
蓮花山四十里天都山一百一十里石城山又三山砲架山將軍山
馬圈山一百二十里雲台山西南十里印子山東南一百四十里青

羊泉山一百二十里看頭山正北一百三十里高泉山又二十里一
碗泉山一百六十里掃竹嶺武源州之東二里鳳凰山平遠所北殿
山又有東山龍山七里寶山天台山又有武源州大南川小南川
吟喇川水冲川須臾都河硝河小黑水大黑水青水河或匯於此而
入黃河

星野

漢天文志曰自東井十六度至柳三度為鶡首為秦分野按甘肅誌
平涼古安定郡入營室一都云

疆域形勢

海城在府西北三百九十里固原州界一百里西至蘭州府靖遠縣
八十里南至隆德縣界二百三十里北至寧夏府中衛縣界一百四
十里東南至固原州界一百五十里西南至鞏昌府會寧縣界二百
四十里東北至固原州界下馬關界二百二十里西北至會寧縣界
一百二十里東北至北京三千七百里至西安府一千二百里西北

至蘭州府五百里左控五原右帶蘭會黃河繞其北堂同阻其南元
 州誌按廳地居固原州西北前控六盤後恃高泉左抱下馬右據天
 都山川深阻民俗强悍乃西涼之襟帶固靖之咽喉也

建置沿革

廳地自太祖時以賜焚沐韓蕭諸藩淪為牧場三百年來文獻無傳
 建置沿革無所考矣今海城距西安州三十餘里舊名天都寨則海
 城固西安州之屬堡也明洪武三年以西安州武源川等處十八堡
 賜焚王為牧地而海刺都與馬休家營小休家營沐藩得之韓府灣
 等處韓藩得之群牧所等處肅藩得之焚藩置承奉司於海城約束
 護衛軍餘諸藩亦各於賜地之內置建司事內臣經理耕牧迨明中
 葉外患頻仍烏糧不及而賜地遼闊奸宄叢生於是因循四之叛而
 增設固原衛並西安鎮戍平遠三所皆於牧地之中摘撥屯軍之地
 既以杜屯牧之亂萌復以資邊防之後選立法亦足救弊矣
 本朝定鼎更以為西陲牧地招民開墾規模宏遠過於前代但不建

設州邑而以駐紮固原州之遠茶同知司其賦租以供餽餉廳民於數百里外餽運供支一切訴訟亦若跋涉至於誦讀之士附之州學不但不足比於州邑即較之衛所亦多不及焉夫歸命之初遺黎無幾廳員司之亦所優為迨今百年戶餘十萬口不下百萬矣入州學者文武生員至百十餘人舉貢監生多至一倍較之平涼十屬亦在擊望之列而猶因陋就簡不思更張亦司事者之疎也潮乾隆九年屢據士民籲請將廳員移駐海喇都以便輸將訴訟并請設學專司訓課廳屬士子上憲以糜費未允至十一年固原兵譟廳員同處州城廳民無所投命殆岌岌焉幸而天厭其衰狂逆授首於是總制有移駐道員之請而據撫憲黃公併以廳員移駐附請焉既得欽命予遂於十四年之四月遷治於海城凡官兵衙署取之庫帑尅日告成不勞民力也城垣倉廩責之民力不費官帑也於是輸將訴訟不苦跋涉至於置師儒設學校猶未暇及至十六年冬諸生乃有民志已定士氣未伸之請予己以老病解官矣又海城止府丞一

員下無佐雜偶有公事他出則庫監倉無所稟承即平遠一所戶口數萬五方雜處裁所之候奸宄百出前於乾隆十年詳請將涇州州判改駐所城已行復止此皆廳地之要著後之君子所宜急急舉行者也

城堡

廳屬有堡之處皆有牆壕圍護如城郭然防寇盜也大小不一新舊各殊書之不可勝書譯其關於形勝者載入誌焉若南散莊北散莊則以舊無正堡得名愚民狃於治安有司憚於動眾已百年矣予固知之而以海城大功未竣不能兼顧也謹著之以告來者

海喇都城

海喇都城即夏之天都寨山川深阻回漢雜居亦形勢之地也五代以前淪為番城宋雖開設西安州未幾仍為夏人所據明洪武二十年十一月冬太祖以賜楚藩為牧廠內設承奉司內臣居之摘撥官兵一千五百員冬操夏牧中葉因滿四之亂增設指揮同知及千戶